

Realizirana studijska posjeta Vijeća IPP FBiH nizozemskom Kadasteru u okviru GeoConnect projekta

25.03.2026 14:28



U okviru GeoConnect projekta, realizirana je studijska posjeta delegacije Vijeća za infrastrukturu prostornih podataka Federacije Bosne i Hercegovine (Vijeće IPP FBiH) Kraljevini Nizozemskoj u okviru projekta GeoConnect, s ciljem upoznavanja s iskustvima i praksama nizozemskog Kadastera te drugih relevantnih institucija uključenih u razvoj i upravljanje nacionalnom infrastrukturom prostornih podataka. Ova posjeta predstavlja nastavak aktivnosti usmjerenih na jačanje institucionalnih kapaciteta i unapređenje koordinacije u oblasti prostornih podataka u Federaciji Bosne i Hercegovine.

Delegaciju su činili članovi Vijeća IPP FBiH iz sedam federalnih institucija, predstavnici Federalne

uprave za geodetske i imovinsko-pravne poslove, kao i prevodilac angažiran radi efikasne realizacije programa. Centralne aktivnosti studijske posjete održane su 23, 24. i 25. marta 2026. godine, dok je cjelokupan putni raspored realiziran u periodu od 22. do 26. marta 2026. godine.

Tokom boravka u Apeldoornu delegacija je posjetila sjedište nizozemskog Kadastera, gdje su organizirane stručne prezentacije i radni sastanci. Teme su obuhvatile organizaciju i nadležnosti Kadastera, sistem ključnih registara i federirani podatkovni sistem, razvoj korisničke interakcije, poslovni model institucije, kao i značaj otvorenih podataka za javnu upravu, privredu i društvo u cjelini. Posebna pažnja posvećena je PDOK platformi podataka te modelima upravljanja, pristupa i inovacija u okviru nacionalne infrastrukture prostornih podataka u Nizozemskoj.

U okviru programa delegacija Vijeća IPP FBiH predstavila je vlastite uloge i odgovornosti, Strateški plan razvoja do 2028. godine, kao i ključne izazove u daljnjem razvoju IPP-a u Federaciji BiH. Na taj način, studijska posjeta nije bila samo prilika za upoznavanje s dobrim praksama, već i platforma za razmjenu iskustava i jačanje međuinstitucionalnog dijaloga o budućem razvoju prostornih podataka, interoperabilnosti i digitalnoj transformaciji javnog sektora.

Drugog radnog dana program je dodatno obuhvatio teme inovacija u radu Kadastera, primjenu geoumjetne inteligencije u poslovnim procesima te pitanja kibernetičke sigurnosti, čime je delegaciji omogućen širi uvid u savremene izazove i razvojne pravce u upravljanju geoprostornim informacijama.

Posjeta je zaključena sastankom s predstavnicima Geonovuma u Amersfoortu, gdje su predstavljeni modeli upravljanja infrastrukturom prostornih podataka u Nizozemskoj, uloge i odgovornosti nadležnih tijela, kao i ključni programi koji podržavaju razvoj i standardizaciju prostornih podataka na nacionalnom nivou.

Realizacijom ove studijske posjete Vijeće IPP FBiH i Federalna uprava za geodetske i imovinsko-pravne poslove dodatno su osnažili međunarodnu saradnju te stekli vrijedna znanja koja mogu doprinijeti unapređenju institucionalnog i tehničkog okvira infrastrukture prostornih podataka u Federaciji Bosne i Hercegovine. Iskustva nizozemskog Kadastera i Geonovuma predstavljaju značajan primjer dobre prakse u pogledu povezivanja registara, dostupnosti podataka, otvorenosti, inovacija i međuinstitucionalne koordinacije, što je od posebnog značaja za buduće aktivnosti na razvoju IPP FBiH.





```
// Load JS file theme Galleria.loadTheme('files/galleria/themes/classic/galleria.classic.min.js'); // Initialize
Galleria Galleria.run('#gallery-1' , { width: 'auto', height: 500, transition: 'fade', initialTransition:
'undefined', clicknext: false, showImagenav: true, showCounter: true, lightbox: false, imageCrop: false,
imageMargin: 0, imagePan: false, carousel: true, carouselSpeed: 200, carouselSteps: 'auto',
pauseOnInteraction: true, show: 0, showInfo: true, thumbnails: true, thumbCrop: true, thumbMargin: 0,
thumbQuality: true, easing: 'galleria', transitionSpeed: 400, popupLinks: false, preload: 2, debug: true,
queue: true, imagePosition: 'center', maxScaleRatio: 0, swipe: true, fullscreenDoubleTap: true,
layerFollow: true, imageTimeout: 30000, fullscreenCrop: 'landscape', fullscreenTransition: 'undefined',
touchTransition: 'undefined', keepSource: false, trueFullscreen: true, responsive: true, wait: 5000,
idleMode: true, idleTime: 3000, idleSpeed: 200, thumbDisplayOrder: true, maxVideoSize: 'undefined',
videoPoster: true, thumbPosition: 'center' });
```